



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-03/02-04-50075-37/23
Sarajevo, 6.12.2023. godine

SKUPŠTINA KANTONA SARAJEVO
n/r Okerić Elvedin, predsjedavajući Skupštine Kantona Sarajevo

PREDMET: Odgovor na zastupničku inicijativu. dostavlja se

Cijenjeni,

zastupnik u Skupštini Kantona Sarajevo **Faruk Selmanović**, u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst – broj: 15/13, 47/13, 47/15, 48/16, 9/20, 14/20, 16/22 i 17/22-Ispravka), dana 24.11.2023. godine, uputio je **zastupničku inicijativu:**

“Vladi Kantona Sarajevo i Ministarstvu za odgoj i obrazovanje Kantona Sarajevo, da u skladu sa programom rada osnovnih škola na području Kantona Sarajevo i planiranom organizacijom studijskih putovanja i ekskurzija, planira sredstva u Budžetu za finansiranje istih, sa ciljem da svako dijete ima priliku da ode na putovanje.”

Odgovor:

u skladu sa članom 29. Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17, 30/19, 34/20 i 33/21), ekskurzija je prepoznata kao oblik vannastavnih aktivnosti, *koje se provode na osnovu plana i programa koji na početku školske godine, a najkasnije do kraja septembra izrađuje voditelj vanastavne aktivnosti, a odobrava direktor škole* (stav (2) istog člana Zakona). Stavom (5) istog člana Zakona definisano je da se *Škola u prirodi, izleti, studijske posjete, ekskurzije, kampovanje/logorovanje, društveno koristan rad i drugi oblici odgojno-obrazovnog rada, predviđeni u godišnjem programu rada, organiziraju u skladu sa pravilnikom koji donosi ministar.*

Organizacija i realizacija ekskurzije za učenike osnovnih i srednjih škola u Kantonu Sarajevo, definisana je Pravilnikom o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, Škole u prirodi i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo“, broj: 15/22). Shodno Pravilniku, ekskurzija je neobavezan oblik odgojno-obrazovnog rada, zasnovan na principu dobrovoljnosti.

Ministarstvo za odgoj i obrazovanje Kantona Sarajevo u Budžetu osigurava sredstva za realizaciju obavezujućih oblika odgojno-obrazovnog rada koji se izvode u skladu sa nastavnim planom i programom, kao što su: Škola plivanja, Škola skijanja i Škola planinarenja koji se realizuju iz nastavnog predmeta Tjelesni i zdravstveni odgoj kao specifični oblici nastave, a također i za Školu



u prirodi, kao specifičan obavezujući oblik izvođenja nastave u kojoj dolazi do obrade novih nastavnih sadržaja te provjeravanja znanja i iskustava stečenih u učionici kroz primjenu u stvarnoj životnoj sredini.

S poštovanjem,

Dostaviti:

1. Naslovu
2. A/a.

